

# Լեոնիդ Ենգիբարյան Ստեղծագործություններ

[Դու, ես ու իմ տխրությունը](#)  
[Աղջնակին, որ թռչել գիտի](#)  
[Չէ ու հա](#)  
[Մի քանի խոսք Երեւանի մասին](#)  
[Կատուն](#)  
[Տասնինը տարեկան աղջկան](#)  
[Լապտերները](#)  
[Գրպանահատը](#)  
[Առաջ](#)  
[Արտիստին](#)  
[Ճանապարհը](#)  
[Գունդը ավի մեջ](#)  
[Մի՛ նեղացրեք մարդուն](#)  
[Սովորականն անսովոր է](#)

## **Դու, ես ու իմ տխրությունը**

Սրճարանը դատարկվում է: Շարժվում են աթոռները, շխկշխկում է սպասքը խոհանոցում:

Մնում ենք միայն դու, ես ու իմ տխրությունը:

Ներիք, գիտեմ, որ ուզում էիր երկուսով լինենք այսօր, բայց ինձ հետ է իմ տխրությունը. . .

Ըհր՛, դու արդեն գայրանում ես, զանգել ես ուզում: Հասկանում եմ: Շտապ է: Սրճարանը դատարկվում է: Շարժվում են աթոռները, շխկշխկում է սպասքը խոհանոցում:

Մնում ենք երկուսով, ես ու դու, իմ տխրություն:

թ.՝ Ս. Պետրոսյան

## Աղջնակին, որ թռչել գիտի

Միայն մի վախեցիր: Քեզ երբեք ոչինչ չի պատահի, որովհետեւ դու երկու սիրտ ունես:

Եթե օդում մի վայրկյանով մեկը կանգ առնի, կողքից մյուսը կգարկի:

Դրանցից մեկը մայրդ է տվել քեզ:

Նա կարողացավ դա անել, որովհետեւ տասնինը տարի առաջ կարողացավ սիրել, սիրել. . . Մի ծիծաղիր, սիրելի բարդ է:

Իսկ երկրորդ սիրտդ տվել եմ ես: Պահիր կրծքումդ իմ խենթ սիրտը:

Ու ոչնչից մի վախեցիր:

Նրանք կողք կողքի են, թե մեկը կանգ առնի, մյուսը կգարկի:

Միայն ինձ համար, մի անհանգստացիր, ինձ թեթեւ է քայլել գետնի վրայով, դա հասկանալի է յուրաքանչյուրին:

Իմ սիրտը՝ քո կրծքում:

թ.՝ Ս. Պետրոսյան

## Չէ ու հա

Ես անդունդի եզրին եմ՝ «Ոչ»ի ու «Այո»ի արանքում: Քո Ոչից ես իմ Այոն եմ հասնում ցանկությունից, ամաչկոտությունից ու սիրուց հյուսված պարանով: Այն ցնցվում է, ճոճվում, ու ինձ վրա կախված է Միայնությունը եւ Այոն, որ այնքան գրավիչ ու մոտ էր թվում, հիմա անհասանելի է:

Բայց ես քայլում եմ, Հպարտությունը պահում է հավասարակշռությունս:

Նաեւ հին ու բարի Հույսի վալսը, որ հնչում է բարդ համարների կատարման ժամանակ, ինձ ուժ է տալիս:

Ես գալիս եմ. փորձելով չնայել ներքեւ, ու չմտածել, որ հանկարծ, մինչ ես գալիս եմ դեպի քո Հան ինչոր մեկը արդեն հասել է քեզ, օգտագործելով Բարեկեցության աստիճանը:

Ինձ գնալով ավելի ու ավելի բարդ է. ճոճում է հուսահատության քամին, ու երբ այդ ճոճքը անտանելի է դառնում, դու անսպասելի գալիս ես ինձ ընդառաջ:

Ես զգում եմ ծանր ձողը, դու գրկում ես ինձ, ու մենք ընկնում, կամ էլ թռչում ենք՝ ինչ տարբերություն, պայծառ աստղերից մեկի վրա, որ օտոստոսյան գիշներների անսահմանությունում սպասում են մեզ վառված:

—Միրելիս, — ասում ես շոյելով մագերս, — ինչպե՞ս կարելի էր այդպես ռիսկի դիմել: Դու կարող էիր սայթաքե սարսափելի Միայնության մեջ: Հիմարիկ, ինչի՞ համար էր այդ ամենը:

— Բայց դու ինքդ սկզբում ասացիր Չէ, ու ես ստիպված եղա ռիսկի դիմել:

— Մի թե ասել եմ, — զարմացար դու, — ինչոր չեմ հիշում:

թ.՝ Ս. Պետրոսյան

## Մի քանի խոսք Երեւանի մասին

Մի անգամ, երբ աշունը իջնելով լեռներից քաղաքի փողոցները դարձրեց շագանակառակեգույն, քաղաք եկավ ծաղրածուն:

Զգիտեմ, գուցե նա սիրահարվեց երկարոտն ու թուխ աղջկան, կամ գուցե դա հեքիաթ է. . .

Բայց ճիշտ է, որ նա աչքերում աշնանային անձրեւները լի հեռացավ:  
Թ.՝ Ս. Պետրոսյան

## Կատուն

Գծավոր պոչով կատուն ասաց Մեծն Աստվածուհուն .

-Խնդրում եմ, շատ եմ խնդրում, Մեծն Աստվածուհի, դու ամեն ինչ կարող ես, ինձ կի՛ն դարձրու: Ես այնպե՛ս եմ դա ուզում:

Եւ Մեծն Աստվածուհին ասաց.

-Դա անելը բարդ չէ, բարդը սիրելն է, իսկ կինը, եթե չի կարողանում սիրել, դադարում է կին լինել:

-Ես կսիրեմ, ես կսիրեմ մ,- երդվեց գծավոր պոչով կատուն:

-Լավ,- ասաց Մեծն Աստվածուհին,- մե՛կ, երկու՛ , երե՛ք:

Եւ կատուն վերածվեց կնոջ:

Եւ նա սիրեց: Տղան գեղեցիկ էր ու բարձրահասակ, ուներ շեկ մազեր, որովհետեւ այնքան բարձրահասակ էր, որ գլխով արեւին էր դիպչում:

Եւ տղան էլ կատվին սիրեց:

Բայց երբ նա ցանկացավ աղջկան համբուրել, դժբախտություն պատահեց:

Անկյունից մի մուկ հայտնվեց:

Եւ կատուն, մոռանալով, որ ինքն այլեւս կատու չէ, նետվեց մկան վրա ու . . .

նորից գծավոր պոչով հասարակ կատվի վերածվեց:

Իսկ տղան, ի՛նչ կարող էր անել տղան: Նա գնաց:

Նա գեղեցիկ էր ու բարձրահասակ, ուներ շեկ մազեր, որովհետեւ այնքան բարձրահասակ էր, որ գլխով արեւին էր դիպչում:

Կատուն շատ երկար լացեց, բայց Մեծն Աստվածուհին անվրդով մնաց: Չէ՞ որ նա նույնպես կին էր:

## Տասնինը տարեկան աղջկան

Տասնինը տարեկան ես:

Դու խաղում ես պինգ-պոնգ, գնում ես բար ընկերներիդ հետ եւ ճոճում ես ոտքերդ՝ նստած բարձր աթոռակին:

Ղու տասնինը տարեկան ես:

Տասնինը տարի առաջ ես տարա առաջին մեծ հաղթանակս ռինգում եւ ծիծաղեցի բոլոր նրանց երեսին, ովքեր տխուր ինձ ասում էին. «Առաջին հաղթանակը նաեւ առաջին քայլն է դեպի պարտություն»:

Տասնինը տարեկան ես, եւ գրեթե նույն այդ տարիքին է տղան, ում հետ ես վաղը ռինգ եմ դուրս գալու: Նա հիմա քո կողքին է, իսկ դու ինձնից հեռու՝ -հեռու՝ ես. . . Տասնինը տարի երկարությամբ հսկայական մի սանդուղք է բաժանում մեզ, հարյուրավոր աստիճանավանդակներ՝ ռինգեր, որոնց վրա ես ամեն անգամ նորից ու նորից նվաճում էի վեր բարձրանալու իրավունքս եւ ահա՝ բարձրացել եմ:

Քեզ դուր է գալիս թեք ուսերով ինքնավստահ այդ տղան՝ հոչակավոր Ն-ի գլխավոր մրցակիցը: Ես եմ այդ Ն-ն:

Իսկ ես կցանկանայի ցատկել բոլոր անդունդների եւ աստիճանների վրայով, խաղալ քեզ հետ պինգ-պոնգ եւ հիանալ քո ոտքերով, երբ դու ճոճում ես դրանք բարում՝ նստած բարձր աթոռակին:

Միթե չես հասկանում, որ ես չեմ զգում այդ անիծյալ տարբերությունը, չես հասկանում, որ ես տասնինը տարի՝ առաջին հաղթանակի օրվանից սկսած, սպասել եմ քեզ. . . Ոչ, դու չես հասկանում եւ չես տեսնում ինձ. դու տասնինը տարեկան ես:

Վերջ: Արդեն ուշ է, պետք է գնամ. վաղը մարտի եմ: Եւ ես կհաղթեմ, անպայման կհաղթեմ, չէ որ այդպես անհույս արդեն պարտվել եմ:

## Լապտերները

Գիշեր է:

Անձրեւ է մաղում: Կաթիլները երեւում են, երբ ընկնում են լապտերների լույսի տակ, եւ թվում է, թե փողոցի երկայնքով շարված լապտերները արտասվում են: Ինչի՞ մասին:

Անձրեւոտ գիշերներին լապտերներն արտասվում են միայն այն մասին, ինչ չի հաջողվել մարդկանց, որովհետեւ իրենք ընդամենը լապտերներ են եւ չունեն սեփական թախիժ:

Եւ ամբողջ գիշերը նրանք արտասվում են մենակությունից, նրանից, որ անձրեւում է, եւ որ վաղը ոչ թռիչքային եղանակ կլինի, ու ինչ-որ մեկն անպայման կխսատ կթողնի հանդիպումը, չի հասցնի համբուրել. . .

Եւ քանի որ վաղը ոչ թռիչքային եղանակ կլինի, այս գիշեր կարտասվեն փողոցի երկայնքով կանգնած լապտերները:

## Գրպանահատը

Ես գրպանահատ եմ: Ես գրպանահատների արքան եմ:  
Ես հարուստ եմ եւ երջանիկ: Գրեթե երջանիկ:  
Միայն թե ավստ՛ս, որ ոչ ոք գրպանում իր սիրտը չի պահում:

## Առաջ

Առաջ երեկոյան Երկրի վրա համբուրվում էին, իսկ առավոտյան կռվում էին  
հանգիստ սրտով, քանի որ գիտեին, որ երեկ համբուրվել են, եւ իրենցից հետո  
նույնպէս կգտնվի կռվող:

Աշխարհն այն ժամանակ ահավոր ողջամիտ էր:

## Արտիստին

Ճանապարհը միակ բանն է, որ երբեք չի դավաճանի քեզ:

Կձանձրացնի հարմարավետությունը, սերը կսառի, եւ կմնա միայն  
Ճանապարհն ու ինչ-որ մի տեղ հեռվում՝ Հույս, հույս, որ նորից կլինի սեր,  
կլինի անդորր...

Իսկ այսօր դու կրկին Ճանապարհին ես, եւ քեզ հետ է նորից

Անհանգստությունը:

Մի ստիր ինքդ քեզ՝ առանց այդ դու չես կարող:

Սերն ու անդորրը ընդամենը պատրանք են, առանց որոնց Ճանապարհ չի  
լինում:

## Ճանապարհը

Մեկնում եմ:

Ես վաղը կմեկնեմ:

Ճանապարհը՝ երկա՛ր-երկա՛ր: Եւ նույնքան երկար է գնացքը:

Այն կազմված է տասնյակ, գուցե նաեւ հարյուր հազարավոր վագոններից:

Ամեն վագոնում՝ հարյուրավոր լուսամուտներ, որովհետեւ ամեն մի վագոնը մի  
հարյուրամյակ է:

Ես կմտնեմ վերջին վագոն, որ գոնե մի փոքր մոտ լինեմ քեզ:

## Գունդը ավի մեջ

Կրկեսում մարդիկ բարդ համարներ են անում:

Նրանք ճախրում են գմբեթի տակ, տասնյակ իրերով աճապարարություն են անում, հետո ձեռքերի վրա են կանգնում, ու դա, հաստատում են, հատկապես բարդ է ու դժվար է սովորելը:

Եվ բարդ է ոչ միայն այն պատճառով, որ անվերջանալի մարզումներից հետո գիշերը կցավեն ձեր ուսերը, կայտուցվեն թեւերը, եւ այքերն արյունով կլցվեն. . .

Այս ամենն, իհարկե, ծանր է եւ, այնուամենայնիվ, այն վաղ թե ուշ մոռացվում է: Միայն մի բան երբեւէ չի մոռացվում՝ երբ կանգնում ես երկու ձեռքերի վրա, կամաց պոկում ես մի ձեռքդ եւ հասկանում՝ ափիդ մեջ երկրագունդն է:

## Մի՛ նեղացրեք մարդուն

Իզուր, հենց էնպես մարդուն նեղացնել պետք չի, որովհետեւ դա շատ վտանգավոր է: Հանկարծ ու նա Մոցա րտն է: Ու հատկապես, եթե դեռ ոչինչ չի հասցրել գրել, անգամ «Թուրքական մարշը»: Կնեղացնեք նրան ու ոչինչ էլ չի գրի: Մի բան չի գրի, հետո մյուսը, ու աշխարհում կպակասի գեղեցիկ երաժշտությունը, կպակասեն լուսավոր զգացմունքներն ու մտքերը, ու նշանակում է, լավ մարդիկ էլ կպակասեն:

Իհարկե, մեկ ուրիշին կարելի եւ նեղացել՝ ամեն մեկը հո Մոցարտ չի՞: Բայց, այնուամենայնիվ, պետք չի, հանկարծ ու. . .

Մի՛ նեղացրեք մարդուն, պետք չի. . .

Դուք էլ այնպիսին եք, ինչպիսին նա է:

Լա՛վ նայեք իրար, մարդի՛կ

## Սովորականն անսովոր է

Գարնանը Գետակը դուրս պրծավ լեռների արանքից ու քչքչալով վազեց ներքև: — Ես ամենա-ամենան եմ, — ասում էր գետակը, թեկուզ չէր հասկանում թե դա որն է: Գետակը շատ երիտասարդ էր և կարող էր սիրված դառնալ, նույնիսկ ամենա՛ ամենա՛ ն. . . Նրա առջև ահռելի անտառն էր, հետո դաշտ էր, հետո էլի անտառ և էլի դաշտ, գյուղ, ու լիքը-լիքը գարմանալի, գեղեցիկ ու նաև դժվար բաներ աշխարհում, որում այդքան հեշտ է թովո՞ւալ, որովհետեւ այն հոսելի է: Ու որպեսզի գետակը չմեռնի ու կարողանա հասնել գեղեցի՛կ կապույտ ծովին, նա պետք է անցնի երաշտի ու տարափի միջով, հագեցնի մարդկանց ու կենդանիների ծարավը, պտտեցնի ջրաղացի անիվը, համարձակ ջրվեժ լինի ու թափվի ներքեւ, միանա իր պես գետակներին ու ընթանա դեպի Օճ վը. . .

— Ոչ, — մտածեց Գետակը, — ես ամենաանսովորն եմ: Եվ թեքվեց դեպի Մեծ գետը ու անմիջապես աննկատ խառնվեց նրան ու նրա հետ միասին հանգիստ լողաց դեպի Օճ վը. . .

Իսկ նա, մեծահոգի, նույնիսկ չնկատեց էլ դա . . .  
Գետը քաշում էր նավեր, լույս էր տալիս, ձկներին էր փաշտպանում  
ձկնորսներից ու կատուններից...Քիչ հոգս չունեի:  
Այդպես անցավ գարունը, ամառը ու վրա հասավ սեպտեմբերը և Գետը հասավ  
Ծովին: Այդ պահին գետակը մի կողմ ցատկեց ու զրնգաց.  
—Ես ամենաանսովորն եմ, ես հասա Ծովի ն:  
Բայց հանկարծ տեսավ, որ շատ կան այդպիսի «անսովորներ», որ թաքնվել էին  
Գետի մեջ . . .  
Իսկ բոլոր կամուրջները, առափնյա հատվածները ու այլ պարգեպատիվները  
մարդիկ տվեցին Գետին, որը սովորական ու օգտակար գործեր էր անում  
Երկրի համար...Սովորական...  
Եվ ընդհանրապես, սովորականը միշտ էլանսովորե...